




2 3 4 5 6 7 8 9 100 1 2 3 4 5 6 7 8 9 110 1 2 3 4 5 6 7 8 9 120 1



寄贈

三部教之事 翻經 名義集四 當書中

之長次山
西光持

釋氏要覽序

功德主仙林住山壇主愚極

宣德郎守尚書也田員外郎上輕車都尉崔

林育撰

昔我佛妙正三身圓成四智不泥洹而自證運漚和以度久敷顯萬法指真實際導誨群性了根本空設三昧之門嚴具足之相盡有爲之執歸無生之忍宗會覺海實蕃淨徒迨乎寂滅示往結集垂言經論以祖述教法以標闡其爲大也至極含受而不可限量其爲小也細而不遺視之弗見窮無央之劫不可壞終內有之識不能稱錯綜端緒雖惟逮而莫周恢博開解非超越而不至將不由徑傳爲所依則今要覽

可由而致之也。靡沙西流知五竺之本末不游法藏
明萬行之節制動息隨用而立軌脩習知趣而不迷
包括微著詮乘諦以證之昭灼品例卷上下以句之
覽之者猶若太陽外而萬境廓然矣。謂曰真如非在
句義且夫一切之法無礙相中非學非知應學應知
去聖弥遠毛角差別雖學雖知然後不足固有行聲
向末臻而遠離於學可也因地果位繫之在功今
誠公大師博富於有聞法施而留志承佛威力載集
斯要曰智曰慧孰謂不敏時 皇宋天禧四載李秋
既望序而引之

釋氏要覽卷上

建康天禧講下聚公講主助緣

錢塘月輪山居講經論賜紫沙門釋道誠集

道誠自委講京寺東歸維桑始寓龍華禪府後住
月輪蘭若中間十年寂絕外事唯讀藏經日為常課
酬昔志也然則臨文昧義猶渴夫飲河但能滿腹不
知其深廣焉或見出家人須知之事隨便抄錄之洎
天禧三年秋

皇上覃昭曠之恩普度我天下童行因是離文以類
相從兼益諸家傳記書疏節文分為二十七篇析為
三卷題曰釋氏要覽焉且恤倉入法門者皆所未知

苟或玩此典言藏諸靈府則終身免竊服之誚矣或通才碩學豈以誠之微而廢聖人之言也云爾

篇目

準華嚴經云菩薩有十種知所謂知諸安立知諸語言知諸談議知諸軌則知諸稱謂知諸制令知其假名知其無盡知其寂滅知一切空由是分為二十七篇然則大小乘經律論文句參同皆十知所攝也

姓氏 稱謂 居處

出家 師資 剃髮

法衣 戒法 中食

姓氏

西域記云姓者所以繫統百世使不別也氏者所以別子孫之所出也○釋迦氏譜云夫姓氏之興本欲召諸質也故隨物類而命焉
天竺種姓有四
一者刹帝利
謂亦世利君王種

二者婆羅門秦言外意謂淨行志道其種別有經書世世相承或在出家苦行而多持已

三者毗舍或云吠舍謂商賈之種四者首陀或云成達羅謂田農

種我佛釋迦牟尼世尊即刹帝利之種也長阿含經云賢劫初成未有日月是時光音天人下生皆有身

光飛行自在無有男女尊卑親疎之別食自然地味因食此物乃身光滅神通亡貪心始萌復生地餅地

膚地脂之味食乃諸惡湊集男女始形地生粃米朝刈暮生亦無糠粃時人貪心增長皆預取厚藏米遂

不生乃各占田土學耨種業自此姦盜滋彰無決斷者中有一人容質瓌偉世所欽信眾議立為民主號

租稅賦章大全

梅輸賦者輸春遇切送賦字彙云貢稅漢刑志言有稅有稅足食賦足兵故謂兵曰賦又貢賦曰貢金送輸賦也

摩訶三摩曷羅閣此云大各願輸賦供億此租稅貢物秦之始之故命氏刹帝利此云士田主謂初分土別

姓有五我佛釋迦於三阿僧祇劫修六度萬行因或實報或示化各隨物類別名氏也

一瞿曇氏梵語正一云瞿答摩又云瞿曇弥此云地最勝謂除天外地人類

中最勝故經云昔佛於劫初作國主禪位師瞿曇僊修道常於一園游止為賊所害彼僊乃殞尸取血泥

為兩團用器盛之置於左右呪之滿十月左化為男右化為女乃命氏瞿曇始也

二甘

蕉氏

經云昔有轉輪王名大自在子孫相承合有八萬四千王最後王名大茅草垂老無

子乃委政大臣自剃髮出家衆號王僊極老不能行履諸弟子輩時行乞食遂以草籠盛王僊懸於樹

虎狼之害也有獵人望見謂是白鳥乃射之死血瀝于地諸弟子歸見師被害即共殯尸其血瀝之地後

時忽生甘蔗二本日炙開剖一生童子一生童女太臣聞迎取歸宮養育長成以王種故遂立為王命氏

甘蔗始也

或梵云喬答摩或僑曇云二姓華言最勝

三日種氏

經云

經音疏云皆甘蔗王種也順正理論云喬答摩種生於日光

按輸賦者

即甘蔗王不受胎藏因日炙開剖故名日種○大悲經云姓日者為離諸暗而作光明故今詳二經前就本緣後約功德

四舍夷氏

即甘蔗王擯出四太子一名炬面二名金色三名象衆四名尼拘羅

隋言四子初至雪山北頓駕大樹枝條翦鬱之下是故名奢夷耆耶今言舍夷必梵語訛略也五分律云

近雪山北舍夷林禁城營舍又并沙王始問佛生何國佛言生舍夷國今詳必因樹命○法苑云舍夷者

西方之貴姓也五釋迦氏即彼四太子以德歸人不數年間鬱為強國父王悔

憶遣使往詔四子辭過不歸。父王乃三歎曰：我子釋迦，能仁長阿含經云：釋迦秦言能。又譯為直，謂直林故。詳此二譯初，今詳四太子俱命釋迦，惟第四尼拘羅是。我佛祖也。按經云：尼拘羅有子名俱盧俱盧。有子名瞿俱盧，瞿俱盧有子名師子頰。師子頰有四子：一淨飯，二白飯，三斛飯，四甘露飯。此梵云首圖獸那，即沙門道安云：九剃髮染衣，紹釋迦種，即無殊姓。宜悉稱釋氏。時皆未然，洎譯出阿含經云：佛告比丘，四大

出家人統姓

佛父也開元錄云：秦晉已前，出家者多隨師姓。後彌夫

河水入海，無復本名。同名為海，四姓之子。於佛出家，剃除鬚髮，著三法衣，無復本姓。但云沙門釋子。○沙塞律云：汝等比丘，雜類出家，皆捨本姓，同稱釋子。今稱沙門釋者，蓋天生出家，外道亦自稱沙門。今以釋字簡之，或單稱釋亦可。若彼此是僧，即不用稱。蓋同釋家，法兄弟故。

稱謂

沙門

聲呼肇師云：出家之都名也。梵云沙迦，意謂勤修善法，行趣涅槃也。或云沙門，那或云桑門，皆譯入梵夏爾。○涅槃經云：沙門

惡故。又秦譯云：勤行，謂勤修善法，行趣涅槃也。或云沙門，那或云桑門，皆譯入梵夏爾。○涅槃經云：沙門

此云善覺。○大方廣寶篋經云。離諸纏聚故名沙門。
○大莊嚴經云。超過染着名沙門。○正法念處經云。
心無所樂着。一切不希望。能脫一切貪。是名為沙門。
○華首經云。如空無觸礙。烟塵無所汙。我說沙門法。
無染亦如是。○寶積經云。沙門者寂滅故。調伏故。受
教故。戒身淨故。如實義故。得解脫故。離世八法故。堅
心不動如地故。護彼我意故。於諸形相無染着。如空
中動手無所礙故。成就如是多法故名沙門。○長阿
含經云。沙門者捨離恩愛。出家修道。攝御諸根。不染
外欲。慈心一切無所傷害。逢苦不戚。遇樂不忻。能忍

如地。○瑜伽論云。有四沙門。一勝道沙門。即佛等二。
說道沙門。謂說正法者。三活道沙門。謂修諸善品者。
四淨道沙門。謂諸邪行者。道。即八支聖道也。若有其
道。名淨。五分律云。佛始成道。世皆稱為太沙門。

比丘

梵語云比丘。秦言乞士。謂上於諸佛乞法。
資益慧命。下於施主乞食。資益色身。○肇

法師云。因果有三名。一名怖魔。即因出家時。魔宮震
動故。至果上名殺賊。有云。出家者具正信正因。發勇
捍心。求佛果。大誓畏。誓度一切
眾生。真實大心者。
方能震動魔宮。二因中名乞士。果上名應供。三因
中名破惡。即持戒
名破惡。至果上名無生。○涅槃經云。能破

煩惱故名比丘。破我等想修戒定慧度。三有四流安。
更無畏道故名比丘。○大莊嚴經云。破無明藏故名。
比丘。○瑜伽論云。比丘者。捨離家法趣非家等具足。
別解脫律儀眾同分。是其自性。於其形色勤精進。故。
怖畏惡趣。自防守。故攝無損故名比丘。○毗婆沙論。
偈云。手足勿妄犯。節言順所行。常樂守定意。是名真。
比丘。○雜阿含經偈云。所謂比丘者。非但以乞食受。
持在家法。是何名比丘。於功德過惡俱離。修正行。其。
心無所畏。是則名比丘。○大威德陀羅尼。有一長者。
名選擇。投佛出家。剃髮已時。有尊者婆難陀。喚云。長。

者選擇。答曰。我今出家剃髮為比丘。非長者也。時婆。
難陀語曰。不但剃髮名為比丘。乃以偈說云。若斷欲。
希望復斷諸漏。盡諸法無希望。不可說有法。隨順向。
涅槃。隨順趣厭離。入信到彼岸。此成為比丘。有四种。
比丘。一。畢竟到道比丘。謂阿羅漢。二。示道比丘。謂三。
果聖人。三。受道比丘。謂初果向。四。行道比丘。謂凡夫。
破戒者。凡夫持戒比丘。隨信隨戒。法故必在受道下。
云。行道比丘。雖破戒而不破見。雖破加行。不破意樂。
信有因果。如是正見。意樂。九十六種外道。所無。但施。
主於彼。起。正信。不生。大福矣。
苾芻 梵語也。是西天草名。具五德。故。
將喻出家人。古師云。苾芻所以。

不譯者。蓋含五義故。一者體性柔軟。喻出家人能折
伏身語。籠攝故。二引蔓旁布。喻出家人傳法度人。連
延不絕故。三馨香遠聞。喻出家人戒德芬馥。為眾所
聞。四能療疼痛。喻出家人能斷煩惱。毒害故。五不背
日光。喻出家人常向佛日故。○根本律百一。羯磨本
云。有苾芻年八十歲。滿六十夏。若於別解脫經。未曾
讀誦。不了其義。此名老僧。梵語具云。僧伽。唐言眾。
小苾芻。別解脫經。即戒。○中阿含經云。
何名眾。答有若干姓異名異族。剃除鬚髮。著袈裟衣。
至信捨家。從佛學道。是名眾。○善見律云。等戒等見。

等智等衆。是為僧。○南山鈔云。四人已上。能御聖法。
辦得前事。名之為僧。僧以和合為義。言和合者。有二
種。一理和。謂同證擇滅故。二事和。此別有六義。一戒
和。同修。二見和。同解。三身和。同住。四利和。同均。五口
和。無諍。六意和。同悅。僧史略云。凡四人已上。名僧。今
一人亦稱僧者。蓋從眾名之也。亦如萬有二千五百
人為軍。一人亦稱軍也。
除饑男 康僧會註法鏡經云。凡夫
亦稱軍也。貪著六塵。猶饑夫貪食。不
知厭足。今聖人斷除貪愛。除六情飢饉。故號除饑。○
分別功德論云。世人飢饉色欲。比丘除此愛饉之想。

故導師

十住斷結經云。號導師者。令眾生類示其正道。故華首經云。能為人說無生

死道。故名導師。○佛報恩經云。大道師者。以正路示

涅槃經。使得無為常樂。故○大法炬陀羅尼經云。以

能不退菩提道。不斷絕菩提道。故名導師。○商主天

子所問經云。何名導師。文殊答云。住是道已。能令眾

生得成熟。

祖師

寶林傳云。期城太守楊衙之問。達磨云。西國相承。稱祖何義。達

磨曰。明佛心宗。行解相應。名為

禪師

善住意天。子所問經

祖師。此土自達磨西來。傳曲溪

云。天子問文殊曰。何等比丘得名禪師。文殊曰。於一切法。一行思量。所謂不生。若如是知。得名禪師。乃至

無有少法可取。不取何法。所謂不取。此世後世。不取

三界至一切法。悉不取。謂一切法。悉無眾生。如是不

取。得名禪師。無少取。非取。不取於一切法。悉無所得

故。無意念。若不意念。彼則不修。若不修者。彼則不證

故名

善知識

摩訶般若經云。能說空無相。無作。禪師。無生無滅法。及一切種智。令人心

入歡喜信樂。是名善知識。○華首經云。有四法是善

知識。一能令人入善法中。二能障礙諸不善法。三能

今人住於正法。四常能隨順教化。○瑜伽論云。善知識具十功德。一調伏。二寂靜。三感除。四德增。五有勇。六經富。七覺真。八善說。九悲深。十離退。且初調伏者。謂與戒相應。由根調故。寂靜者。定相應。由內攝故。感除者。信念以慧相應。煩惱斷故。德增者。戒定慧具不。缺減故。有勇者。利益他時不疲倦故。經富者。多聞故。覺真者。了實義故。善說者。不顛倒故。悲深者。絕希望故。離退者。於一切時恭敬故。

長老

長阿含經云。有三長老。謂耆年長老。多者。法長老。了達性內。作長老。假號。○譬喻經偈云。所謂長老者。未

必剃鬚髮。雖復年齒長。不免於惡行。若有見諦法。無害於群萌。捨諸穢惡行。此名為長老。我今謂長老。未必先出家。修其善本業。分別於正行。設有年齒幼。諸根無漏缺。此謂名長老。○肇法師云。內有智德可尊。故名長老。○恩法師云。有宗師。傳佛心宗之師。長者老年之德名長老。又云。宗者尊也。

宗師

謂此人開空法。道為衆所尊故。

法主

阿含經云。佛為說法主。今古皆以說法知法之僧為

法主。如僧叡謂僧道曰。若當為萬人法主。宋孝武勅道猷為新安寺鎮寺法主。

大師

師範

也。大簡小之言也。○佛稱三界大師者。○瑜伽論云。能化導無量衆生。令苦寂滅。又云。摧滅邪穢。外道出現。世間故號大師。若凡夫比丘。蒙勅賜號者。○僧史略云。肇自唐懿宗咸通十年十一月十四日。延慶節。內道場談論。左街雲顥賜三慧大師。右街僧徹賜淨光大師。可孚賜法智大師。重謙賜青蓮大師。此為始也。○瑜伽論云。略有大師五種功德。一。於諸戒行終無悞失。二。善建立法。三。善制所學。四。於善立善制中。隨所疑惑等皆能善斷。五。教授出離。

法師 雜阿含經云。何名法師。佛言。若於色說是善斷五教授出離。

生厭離欲滅盡寂靜法者。名法師。若於受想行識。說是生厭離欲滅盡寂靜法者。名法師。○十住婆沙論云。應行四法。名法師。一。廣博多學。能持一切言辭章句。二。決定善知世間出世間諸法生滅相。三。得禪定智。於諸經法隨順無諍。四。不增不損。如所說行。○辯中邊論十種法師頌曰。謂書寫供養。施他聽披讀。受持正開演說。

律師 律鈔解題云。佛言善解一字。誦及思修。名律師。一字者律字也。○寶雲經云。具足十法。名律師。一。善解毗尼所起二善解毗尼甚深處。三。善解毗尼微細事。四。善解毗尼此

得彼事不得。五善解毗尼。性重戒。六善解毗尼。制重戒。七善解毗尼。制起因緣。八善解聲聞毗尼。九善解辟支毗尼。十善解菩薩毗尼。○十誦律云。持律人有七功德。一能持佛內藏。二能善斷諍。三持戒。四外道頂住以律故。五不咨問他。於眾說戒無畏故。六能斷有疑故。七能令正法久住故。○善見律云。佛說持律人。即是功德根本。

闍梨 奇歸傳云。梵語阿遮梨。因根故攝領諸法。耶唐言軌範。今稱闍梨。蓋梵音訛略也。○菩提資糧論云。阿遮梨夜。隋言止行。○南山鈔云。能糾正弟子行故。

勝士

月燈三昧經云。能淨持戒名勝士。

尊者

梵云。阿梨夷華言尊者。謂德行智具可尊之者。

開士

經音疏云。開達也。明也。解也。士則士夫也。經中多呼菩薩為開士。前秦符堅賜沙門

有德解者。號開士。

大德

智度論云。梵語婆檀陀。秦言大德。律中多呼佛為大德。○毗奈

耶律云。佛言。從今日。從小下。必勸於長宿。處應喚大德。○此方比丘。若宣補者。僧史略云。即唐代宗大曆六年四月五日。勅京城僧尼。臨壇大德各置十人。以為常式。此帶臨壇而有。大德二字。此為始也。○增輝

記云行滿德高曰大德上座五分律云齊幾名上座佛言上更無人名上座毗尼母

云從無夏至九夏是下座自十夏至十九夏是中座自二十夏至四十夏是上座五十夏已上一切沙門

之所尊敬名著宿須是知律有戒行方名著宿毗婆沙論云有三上座一生年上座即尊長者舊具

戒名真生故二世俗上座即知法富貴大財大位大族大力大眷屬雖年二十皆應和合推為上座三法

性上座即阿羅漢頌曰心掉多綺語染意亂思惟雖久住林園而非真上座具戒智正念寂靜心解脫彼

痒痒癢
說文痒癢字
量有痒及同
之痒各一
又痒痒痒

於法能觀是名真上座○十誦律云具十法名上座

謂有住處言住處者婆沙論云謂道及果空三摩地無畏無煩惱多知識多聞辯言具足義趣明

了聞者信受善能安痒入他家能為白衣說法令他捨惡從善自具四諦法樂無有所乏名上座○律中

僧坊上座即律三僧上座即壇上上座別房上座即今

者心安住故不為出違順傾動是名上座座

主撫言曰有司謂之座主今釋氏取學解優拔者名座主謂一座之主古高僧呼講者為高

卷之十

十

座或是高上士

瑜伽論云。無自利利他行者名下士。有自利無利他者名中士。

有二利名上士

上人

摩訶般若經云。何名上人。佛言。若菩薩一心行。

阿耨菩提心不散亂。是名上人。○增一經云。夫人處世有過能自改者。名上人。○十誦律云。有四種一龜

人。二濁人。三中間人。四上人。○律。餅沙王呼佛弟子為上人。○古師云。內有智德。外有勝行。在人之上。名

上道人

智度論云。得道者名為道人。餘出家者未得道者亦名道人。同此論。

貧

道

智度論云。貧有二種。一財貧。二功德法貧。○瑜伽論云。出家品。智貧財貧。○指歸云。道則通物

之稱也。屬三乘聖人所證之道也。謂我寡少此道。故曰貧道。僧史畧云。漢魏兩晉。沙門對國王。王曰。貧道。如南齊時。帝問王儉曰。先輩沙門對帝何

稱。正殿還坐否。儉對曰。漢魏佛法未興。不

頭陀

梵語杜多。漢言抖擻。謂三毒如塵能空污

真心。此人能振掉除去。故今訛稱頭陀。○善住意天子經云。杜多者。抖擻貪欲嗔癡三界內外。不入若不

取不捨不修不著。非是不著。我說彼人名為杜多。○頭陀十士功德。一阿蘭若處。二常乞食。三次第乞。四

更卷上

十五

籍那

文詠

支郎

者爲人細長黑瘦眼多白而睛黃復多智
時賢諺曰支郎眼中黃形軀雖小是智囊
縑流

此從衣色名之也。僧史略云。問緇衣者色何狀貌。荅

紫而淺黑考功記云三入爲縹五入爲緗七入爲緹

矣。固知緇本出絳雀頭色。即紫赤色也。故梁淨

秀尼見聖衆衣如桑熟棗此乃淺赤深黑色也

象

中阿含經佛告鄔陀夷若沙門等從入
至天不以身口意害我說彼是龍象

空門

子

智度論云。涅槃有三門。一。空門。二。無相門。三。無作門。何者。空門。謂觀諸法。無我我所。諸法從因。

緣生無作者受者是名空。今出家
人由此門入涅槃宅故號空門子。

宗主

僧史略
云唐末

寺皆立受依止闍梨一員今朝取兼律員位最高者
號宗主蓋道俗之間有諍不分曲直告其剖斷令入

息諱

僧錄

僧史略云唐文宗開成中始立左右
僧錄即端甫法師爲始也法師德宗

召入禁中與儒道論議賜紫方袍令侍太子於東朝
順宗重之若兄弟憲宗待之若賓友掌內殿法儀錄

左街**副僧錄**即昭宗乾寧中改首座為講
副僧錄即覺暉為始也**講**

經論首座史云首座之名即上座也居席之
端處僧之上故也即唐宣宗署僧

辭章為三教首座此為始也**僧正**史云正者政
也自正正人

克敷政令故蓋以比丘無法若馬無繮勒漸染俗
風將乖雅則故擇有德望者以法而繩之令歸乎正

故云僧正此以為秦僧若為始也至**僧主**即南
梁普通六年勅法雲為大僧正此加

明中武帝勅法獻為**國師**僧史略云西域昔有
僧主始也所言主者
猶僧官也**尼捷子學通三藏兼**

達五明舉國皈依乃彰斯號此土則比齊高僧法常

演毗尼涅槃通禪法齊主崇為國師此為始也唐神

秀自則天召入歷四朝號國師慧忠肅代二朝入內

**說禪號國師元和中勅署知玄曰悟達國師便玄五歲
詩出家為沙彌年十四講涅槃經時李商隱有詩贈
云十四沙彌解講經似師年幾只携鉢沙彌說法沙
門聽不在年若偏霸之國則蜀後主賜僧錄光業為
高在性靈**

祐聖國師吳越稱天台德韶為國師。
尼 梵音具云比丘尼亦

名除饑女天竺以佛姨母摩訶波闍波提此云大為
始也。鈔云今呼尼為阿姨師姨者此効佛召愛道也。

師姑未詳尼有八敬法去聖已遠不復遵行繁不錄也。
式叉摩那 此云學法女似

今尼之長髮也四分律云十八歲童女應
二歲學謂二歲練身以六法練心文多不載。
優婆塞

塞 秦言善宿男謂離破戒宿故又梵云鄔波索迦
唐言近事男謂親近承事諸佛法故天竺受五

八戒俗人稱之亦云清信士。○瑜伽論云具足三德
一意樂淨謂於三寶遠離疑惑圓滿戒法求出世故。

二能作三寶事三能引發同法。○阿含經云圓
滿八支謂信戒施聽法受持解義如說修行。
優

婆夷 夷即女聲字也又云鄔波斯迦 各義同前
七眾 謂比丘比丘尼式叉摩那沙彌

沙彌尼 此出家五眾 優婆塞 優婆夷 此在家二眾。○婆沙論云
夫能維持佛法有七眾在世間三乘道果相續不斷

盡以波羅提木叉為根本。○大毗婆沙論云七眾者
一苾芻二苾芻尼三式叉摩那四室利摩拏洛迦唐言

勤策男即五室利摩拏理迦唐言道德八正聖

沙彌也戒德表裏具足之稱也。○論衡名者實也道德實立而名

從之。仲尼云。所貴名實之名也。德者得也。所謂內得

於已。外得於人。常無所失。合而稱之。○阿含經呼舍

利弗已下。為名德比丘。○皎法師高僧傳序云。寡德

住處

僧伽藍摩

梵題也。或云僧伽羅摩。此云眾園。五分律云。鉢沙王施迦蘭陀竹園。

為始也。園者生植之所。佛弟子居之。取生植寺道本聖果之義也。或云毗呵羅。此云遊止處。

也。釋名曰寺。嗣也。謂治事者相嗣續於其內也。故天

子有九寺焉。後漢明帝永平十年丁卯佛法初至有

印度二僧摩騰法蘭以白馬馱經像。屆洛陽。勅於鴻臚寺安置。

鴻臚即司賓寺也。胡廣釋云。鴻臚聲也。臚傳

因之。至唐改至十一年戊辰。勅於雍門外別建寺。以

白馬為名。即漢士佛寺始也。吳孫權立建初寺為始。

也 **院** 梵云羅摩唐言院出法師經音義 ○西 **道場** 肇域記云波演那此曰周圍廊舍院云

閑宴修造之處謂之道場隋煬帝勅遍改僧居名道場 **精舍** 釋迦譜云息心所棲曰精

舍○藝文類集云非由其舍精妙良由精練行者所居也 **招提** 增輝記梵云拓闢提奢唐

言四方僧物但筆者訛拓為招去闢奢留 **僧坊** 提故稱招提即今十方住持寺院是也

韻林云坊區也苑 **鹿苑** 又名鹿林在波羅奈國佛成道初轉法輪度憍師云坊區院也

陳如等五比丘處 **雞園** 在摩竭陀國無憂王造是小乘太衆部主大天比丘出家也

中阿含經云佛滅後衆多上尊名德比丘皆住雞園 **鴈塔** 西域記云昔有比丘見群鴈飛

翔戲言知時忽有一鴈投下自殞衆曰此鴈垂誠宜旌厚德於是瘞鴈建塔 **支提** 梵

脂帝淳都或云制底制多皆譯名靈廟○雜心論云無舍利名支提又名滅惡生善處 **梵刹**

梵者清淨之義○經音云梵云刺瑟致此云竿今略名刹即幡柱也○長阿含經云若沙門於此寺中勤

○株 接株 鉢株
根入土 鉢根土上
曰株

苦得一法者便當豎幡告四奈苑大唐內典錄云蜀賓禪師

法秀初至燉煌立禪閣於閑曠地或云金植奈千株趨者如雲徒眾濟濟金地田即舍

衛國給孤長者側布黃金買祇蓮社昔晉慧遠法師唐宣宗

大覺師鴈門人住廬山虎溪東林寺招賢士劉遺民宗炳雷次宗張野張詮周續之等為會修西方淨業彼

院多植白蓮又弥陀佛國以蓮華分九品次第接人故稱蓮社有云嘉此社人不為名利淤泥所汚喻地

蓮華故名之有云遠公有弟子名法要刻木為十二葉蓮華植於水中用機關凡折一葉是一時與刻漏無差俾禮念不失正時或因此名之又稱淨社即南齊竟陵文宣王慕僧俗行淨住法故夫社者即立春秋日後五戊名社曰天下農結會祭以祈穀荆楚記云四人並結綜會社白虎通云王者所以有社何為天下求福報土人非土不食土廣不可遍敬故封土以立社今釋家結慕緇白建法祈福求生淨土淨土廣多遍求則心亂乃確指安養淨蘭若梵云阿蘭若或土為棲神之所故名蓮社淨社爾

云阿練若唐言無諍。四分律云空靜處。○薩婆多論云閑靜處。○智度論云遠離處。○大悲經云阿蘭若者離諸忿務故。○十二頭陀經云佛言阿蘭若處十方諸佛皆共讚歎無量功德皆由此生。○摩訶般若經云阿蘭若處獨靜無人不為惱亂乞食易得。○寶雲經云阿蘭若處華果清淨菰水龍室安穩故。○非遠非近多諸林木華果清淨菰水龍室安穩故。○蘭若者智度論云遠離處最近二里能遠益善去村一拘盧舍此云鼓聲。○律云去村五百弓弓即尋也西天法九四肘為一弓肘長尺八共長七尺二寸也五百

弓為一拘盧舍積三千六百尺成六百步即二里也。庵釋名曰草為圓屋曰庵庵庵也以白覆庵

也。西天僧俗修行多居庵此方君子亦有居庵者咸榮緒晉書云陶琰年十五便絕粒居草庵或可容身○逸士傳云陶潛居蓬庵○神仙傳云焦光居草庵。草

堂始因羅什法師得名先是長安自漢廢到秦興三百餘年朝市曠絕雖數伽藍歸向者少姚興

世鳩摩羅什此云童壽於太寺中攝一堂。方丈蓋寺以草苫蓋於中譯經因此名之也院之

正寢也。始因唐顯慶年中勅差衛尉寺丞李義表前融州黃水令王玄策往西域充使至毗耶黎城東北

四里許維摩居士宅示疾之室遺址疊石為之房

釋名曰房旁也在堂兩旁故五分律云比丘頗鞞起請聽比丘受房舍施佛遂開許○十誦律云房者

或屬僧寮舍也或屬一人若各寺持者薩婆多論云若房始成有一新戒比丘戒德清淨入此房中已

畢施主信施之心若起種種房舍莊嚴高廣設有一淨戒比丘暫時受用已畢施恩以戒非世間法故

鴈堂善見律云毗舍離於大林為禪室中阿舍經佛作堂形如鴈子一切具足

云佛入禪室燕坐又有呼為禪齋齋者肅靜義也如儒中靜室謂之書齋或官負判吏靜治之處謂之郡齋

蕭寺今多稱僧居為蕭寺者必因梁武帝造寺以姓為題也唐李約自官淮南買得梁

武帝額蕭子雲飛帛大書蕭字將歸洛下宅中匣於小亭號蕭齋也博知君子更為正之香

室毗奈耶律淨三藏注云西万名佛堂為健陀俱胝此云香室不稱佛堂佛殿者蓋不欲親觸尊

顏故為殿者即此方之制上安鴈魚尾者是也尾今越巫獻術取鴈魚尾置上以模之全則象也若古制尾上更加鐵作水草之形俗呼為鴈尾者風俗通曰古

毀多刻蓮荷菱葉之屬水草之所

造伽藍法

齊靈裕法師造事詰十篇且明造寺方法準年

教謂避譏涉當離凡寺及市傍府側俾後無所壞南山云俗人既不曉法僧衆當明示導

護

伽藍神

七佛經云有十八神護伽藍一美音二梵音三天鼓四歎妙五歎美六摩妙七

雷音八師子九妙歎十梵響十一人音十二佛奴十三歎德十四廣目十五妙眼十六徹聽十七徹視十

八遍視○道世法師云寺院既有十八神護居住之者亦宜自勵不得怠惰為非恐招現報耳

寺壁有書大神者

即是此神也或問世東之內伽藍無數何只十八神而能遍護耶答一切神皆有無數者屬即是分在守護也無妨

比丘經營精

舍

律中佛大弟子皆自經營精舍如大迦葉自蹋泥等毗婆沙論問曰諸大弟子漏結已盡何故

恹恹有所經營答曰有五事一為報恩故二為長養佛法故三為滅元劣衆自貢高故四為將來弟子折

伏憍豪故五為發起將來福業故

寺院三門

凡寺院有開三門者只有一門

亦呼為三門者何也佛地論云太宮殿三解脫門為所入處太宮殿喻法空涅槃也三解脫門謂空門無

相門無作門。今寺院是持戒修道求至涅槃入居之故由三門入也。

出家

出案由

瑜伽論云。在家煩撓若居塵宇。出家閑曠猶處虛空。是故應捨一切於善說毗奈耶中正信捨家趣於非家。毗婆沙論云。家者是煩惱因緣。夫出家者為滅垢累故宜遠離也。

出家難

難字聲雜阿含經云。有外道名閼浮車問舍利弗云。賢聖法律有何難事。舍利弗

言。唯出家難。問何難。答。愛樂難。問云何。答。樂常修善難。問何名善法。答。謂八正道。若出家者修習此道不

又疾得盡。諸有漏。八正道者。正語。正業。正命。此三屬念。此三屬定。定因戒得。故次正。○秦本雜阿含經見。正思惟。此二屬惠。惠因定發。故三。

云。夫出家者名為難得。若起惡心。不名難得。

出家以信為首

度智

論云。佛言。若人有信。能入我大法海中。能得沙門果。不空剃頭染衣。若無信。是人不能入我大法海。如枯樹不生華實。不得沙門果。雖剃頭染衣。讀種種經。能難能答於佛法中。空無所得。以是義故。在佛法初善

以信根故。起信論云。信心有四種。一信根本。所謂樂念真如法故。二信佛有無量功德。常念親近供養恭敬。發起善根。願求一切智故。三信法有太利益。常念修行諸波羅蜜故。四信僧能正修行。自利利他。常樂親近諸菩薩眾。求學真如行故。○唯識論云。信有三別。一信實有。謂於諸法實事理中深信忍故。二信有德。謂於三寶真實德中深信樂故。三信有能。謂於一切世出世善深法中深信有力。能得能成。起希望故。○毗婆沙論云。有信如手能取善法故。出家越五道。注維摩經什法

師云。凡夫能出四趣。不能出於天趣。出家才滅則五道斯越。滅也。澤。○肇云。五道非無為之路也。

出家喜

什云。喜有二種。一有現世功德自然忻預。二後得涅槃心常安悅。○肇云。夫擾

亂出於多求。憂苦生于不足。出家寡欲。擾亂斯無。道法內充。故懷喜有餘。

出家三

法

什云。出家凡有三法。一持戒。二禪定。三智慧。持戒能折伏煩惱。令其勢微。禪定能遮煩惱。如石

山斷流。智慧能滅煩惱。畢竟無餘。○道安法師大戒序云。世尊立教法有三焉。一者戒律。二者禪定。三者

智慧斯三者至道之由戶。泥洹之閑要也。戒者斷三惡之干將也。禪者絕分散之利器也。惠者廣藥病之

妙醫也。發心即是出家。淨名經云。汝得阿耨菩提心。即是出家。

什云。雖為白衣。能發無上心者。以心超三界。形雖有繫。乃真出家具足。戒行矣。無上心者。兼載萬有不遺。

出家正因。寶雨經云。於如來教中。正信出家。非因王力所逼。不為賊抑。不為負。

債不怖。不沽邪命出家。五德福田經云。一者為希求正法。以信出家。出家五法。

發心出家。懷佩道故。二毀其形。好應法服故。三委棄身命。遵崇道故。四永割親愛。無適真故。五志求大乘。

為度人故。因王父母不聽許。不得出。

家。僧祇律云。淨飯王請佛。今後父母不聽。不得與出家。此因羅睺羅何故。父母恃子為榮。故佛

於是制戒。父母不許。不得出家。○五百問經云。出家者。王法父母不聽。為得戒否。答不得。○楞伽經云。父

母不聽。不得出家。三等出家人。三千威儀經云。出家行。有始終上中

下業下者以十戒為本。盡形壽受持。雖捨家緣。執作
與俗人等。中者應捨作務。具受八萬四千向道。因緣
身口意業。未能具足。清淨心結猶存。未能出離。比上
不足。比下有餘也。上者根心猛利。應捨結使。纏縛禪
定惠力。心得解脫。淨身口意。出於緣務煩惱之
家。永處閑靜清涼之室。是名上等出家弟子。**問**

出家苦樂

中阿含經云。生聞梵志問佛言。在

不自在為苦。謂錢寶穀畜奴婢不增長。因此憂愁不
自在。故苦也。出家者以自在為苦。謂隨順貪欲瞋恚

愚癡。不守禁戒。因此愁感。故自在為苦也。又問二人
以何為樂。佛言。在家者以自在為樂。謂錢寶穀畜婢
婢增長。因此歡喜自在。故樂也。出家者以不自在為
樂。謂學道不隨貪欲瞋癡行。隨戒所制。無聞諍怨憎
憂苦。有義利故。以不自在為樂也。此因心行
起三毒業。為戒所制。故云不自在也。以現**佛不**
擇清淨。各言當來。感天人樂果。故云樂也。

定答

叔迦經。叔迦婆羅門白佛言。在家白衣能

不定答。若出家者。或有不修善根。則不如在家。
若在家者。能修善根。則勝出家。蓋勝出家。不修善根。汚道之者。**出**

家行

涅槃經云。夫出家者。不應起惡身。由相應

時。非是修不善覺時。○莊嚴法門經云。金色女。白文殊言。聽我出家。文殊語言。菩薩出家。非以自剃髮為

出家。若能發大精進。為除一切眾生煩惱。是名出家。非以自被染衣。自持戒行。名出家。能令毀禁者安住

淨戒。是名出家。非以阿蘭若處獨坐。思惟。名出家。能於女色生死流轉。以慧方便。化令解脫。是名出家。非

以自身守護戒律。名出家。若能廣四無量心。捨慈悲喜。無量心。發沙論云。授與饒益。是慈相。除夫表損。安置是悲相。慶慰得捨。是喜相。心懷平等。是捨相。

眾生增益善根。是名出家。非以自身得入涅槃。名為出家。為欲安置一切眾生。入大涅槃。是名出家。不載

○大法炬陀羅尼經云。出家行有三善。一遠離嫉妬。謂親他勝於自。無損。隨喜教示。二為他作時。不求果

報。三不壞損。他以成已善。出家人事務。僧祇律云。出家

莫為世人譏嫌。失他善福。○三千威儀經云。出家所作事務有三。一坐禪。二誦經。三勸化。眾事若具足三

事。是應出家人法。若不行者。是徒生徒死。惟有受罪之因。○觀佛三昧經云。比丘常行四法。一晝夜六時

說罪懺悔。二常修念佛。不誑眾生。三修六和敬。心不
恚慢。四具修六念。如救頭燃。○超日明經云。比丘有四法。功德經云。此六念法。是菩提心。生菩提法。故。

一常念如來。立佛形像。二聞經深義。則信奉行。三雖
不見佛。曉了本無四。

知十方佛。則一法身。佛留福。俱末世弟

子。佛藏經云。出家者。當一心行道。隨順法行。勿念衣食有所須者。如來白毫相光。功德百千萬億

分中。留一分供諸未世弟子。亦不能窮盡。○菩薩本
行經云。佛自摩竭國往毗舍離兩國。人及諸末龍神

共獻佛三千寶蓋。佛受二千九百九十九蓋。唯一蓋
不受。佛言。持用覆護後世弟子。令得供養。

師資

師。模範也。周禮師氏注云。教以道之稱也。○指歸
曰。自具福行。有化他之相。○周禮云。為人之長。

訓物之規。多師長。○寶積論云。師長者。若能助益長
秀聖者。○律云。和尚於弟子。當生兒想。弟子於和尚。

當如父想。又稱師父。白虎通云。父又矩也。以法教子。故師有二種。一親
教師。即是依之出家授經剃髮之者。毗奈耶亦云。親

教二依止師即是依之稟受三藏學者但是依之者切事業乃至
得稱師○五百問云臨壇諸僧皆得呼為師否答無

此理不從受法指歸云郁波弟耶此云常
盡不得稱師近此受持○正記云優婆

和尚

陀訶此云依學○毗奈耶云鄔波陀耶此云親教由
能教離出世業故稱受業和尚○什法師云梵語和
尚此名力生○舍利弗問經云夫出家者捨其父母
生死之家入法門中受微妙法蓋師之力生長法身
出功德財養智慧命功莫大焉○薩婆多律攝云有
二鄔波陀耶一初與出家二為受近此即壇上和
尚也四分云

和尚○毗婆沙論云和尚有四種一有法無衣食二
有衣食無法三有法有衣食四無法無衣食

師問來家者

僧祇律云新欲出家者不得便
說樂事應說一食一住必食少

飲多覺少眠應問彼言汝
能否或答能方可受之

律不許度者

僧祇

律云有年八十九十太老七十即起須入俱不聽度
○五分律云一切殘疾惡狀貌毀辱佛法者皆不得
度聖朝有編勅違
礙者為師宜慎之
以貌擇師律云時跋難
陀在眾儀見

昂藏舍利弗形容短小。有外道欲出家竊作是念。此小比丘智慧尚爾。况堂堂者乎。乃投跋難陀出家。受戒後問師經律論。悉不能通。外道却言佛法淺近。嫌諸比丘反歸本道。**資**指歸云。資者取法助。

發已身行解故。○伯陽**小師**寄歸傳云。鐸昌羅云。不善人善人之資。**小師**唐言小師。夏已前。

西天侍師毗奈耶云。難陀比丘呼十七眾比丘為小師。此蓋輕也。亦通沙門之謙稱也。昔高僧名僧導為沙彌時。叡法師見而異之。問曰。君於佛法且欲何為。導對曰。願為法師作都講。叢語曰。君當為萬人法主。豈可

對揚小弟子求法傳云。梵云室灑。此云所教舊師乎。云弟子。○南山鈔云。學在我後名。

之弟。解從我生名之子。即因學者以父兄事師。得稱弟子。又云徒弟。謂門徒弟子略之也。司馬康曰。徒弟子也。

度惡弟子優婆塞戒經云。寧受惡戒。一日中斷無量命根。終不畜養弊惡弟子。

不能調伏。何以故。是惡律儀殃。齊六自身。畜惡弟子。不能教誨。乃令無量人作惡。能謗無量善妙之法。○

菩薩善戒經云。度惡弟子。則破壞法。故名魔弟子。計此罪。得不慎之。**師資相**

攝

師以財法定惠自攝攝他住持不失資以供養
諫諍亦是相攝○南山鈔云佛法增廣大實

由師資相攝互相敷遇財法兩濟日益業深行久德
固皆賴矣此真教陵遲惠風掩翳俗懷悔慢道出非
法並由師無率誘之心資闕奉行之志二彼相
捨妄流鄙境欲令道光焉可得乎言要

師

念弟子

僧祇律云師應作是念當使因我度
故修諸善法得其道果○長阿含經

云師長以五事視弟子一順法調御二誨其未聞三
隨其所聞令善義解四示其善友五盡已所知誨授

不悵○莊嚴論云一度令出家二與其受
戒三禁斷諸惡四攝持以財五教授以法

弟子

事師

攝大乘論云始終承奉不相離異名事○
四分律云弟子看和尚當具四心一親愛

二敬順三畏難四尊重侍養承接如臣子之事君父
如是展轉相敬重瞻視能令正法久住增益廣大○
尸迦越經云弟子事師有五事一當敬難之二當知
其恩三所教隨之四思念不厭五當從後稱譽○長
阿含經云夫為弟子當以五事敬事師長一給侍所
須二禮敬供養三尊重戴仰四師教誨敬順無違五

從師聞法善持不忘。○毗奈耶第三十五卷佛為高
 勝比丘說事師法略云。凡為弟子於師主處常懷恭
 敬有畏懼心。不為名聞不求利養當須早起親問師
 之四大安隱起居輕利除小使器每於半月觀瞻牀
 薦若不依師得越法罪好廣知者。○毗奈耶云弟子
 問人纔見師時即須起立若見親教即捨依止言見
 捨依止者謂弟子在捨依止者謂弟子在
 處侍東家師次忽受業師來即搖棄受來侍立受業師左右也
 教訶弟子菩薩善戒
 不能教訶弟子則破佛法當墮地獄。○毗奈耶云弟
 子有五事方可教訶。一不信。二懈怠。三惡口。四情無

羣邪五近惡知識佛言但五法有一皆須教訶比丘
 問佛如何教訶有五法。一不共語。二不教授。三不同
 受用。四遮其善事不受用四遮其善事不
 與依止五不與同房與依止五不與同房
 童子智度論云梵語鳩摩
 羅伽秦三童子。○寄

歸傳云白衣讀慈菴所專誦佛典求落髮號童子西
 天出家國無制止但投師允可即和僧剃髮即無童
 子行者之屬今經中呼文殊善財寶積月光等諸大
 菩薩為童子者即非稚齒如智論云如文殊師利十
 力四無所畏等悉具佛事故住鳩摩羅伽地又云若
 菩薩從初發心斷嬌欲乃至菩提是名童子今就此

方釋之釋名曰兒年十五曰童童獨也。自

度小

兒緣起

僧祇律云佛住舍衛國阿難有一知識

兒隨後喚阿難不聞為世人譏云沙門他有強親今

見孤遺不顧小兒隨入祇園阿難白佛此小兒得度

否佛言汝作何心度

答慈愍心佛

行者

善見律云有善

男子欲求出家未得衣鉢欲依寺中住者名畔頭波

羅沙

未見

今詳若此方行者也經中多呼修行人為

行者行是所修二種行也者即五蘊假者是能修行
之人也凡十六歲已上應呼行者謂男生八歲毀齒
十六陽氣全以其有意樂信忍修淨梵行故自晉時
已有此人如東林遠大師下有群蛇行者

剃髮

祠部牒

此牒自尚書省祠部司出故稱祠部按

月十五日勅天下僧尼隸祠部此為始也義取其善
禳惡福解災也○續會要云天寶六年五月制所度

僧尼仍令祠部給牒此為始也

剃髮

律云毀其形好剃除髮鬚

者○因果經云過去諸佛為成就無上菩提故捨飾好剃髮即發願言今落髮故願與一切眾生斷除

煩惱及以習障

周羅髮

即今親教和尚最後為剃頂上髮也梵語周羅

此云小結且三束九地煩惱見修所斷有八十一品即第九地末品煩惱名小結微細難除今此頂髮喻彼煩惱九十六種外道皆不能盡除唯佛弟子能斷故親教師最後剃者表為除殘結今出三界故

父母拜

南山鈔十二卷法苑二十卷皆云剃髮了禮遶三寶拜謝大眾及二師已然

後在末座坐父母諸親皆為作禮拜賀悅其道意此亦如儒禮冠義曰冠者禮之始也凡冠日見母母拜見兄兄拜之注云以其成人而為禮今人子出家事佛剃髮為禮之始也父母設拜以其出世而為禮抑又拜其法服戒躰故也亦是遠襲我佛之家風也謹按根本毗奈耶律云佛父淨飯王聞太子已成佛在室羅伐城竹林精舍王乃裁書遣使往請歸國許之王勅群臣曰一切義成將歸卿可修飾城隍莊嚴道

路於旁路施林造一精舍爾時世尊作是念若我徒
行入城諸釋必起慢心應以神變入城即共諸聲聞
涌在虛空現諸神變將近城攝諸神通唯佛去地一
人許凌虛而行民庶馳觀各相謂言為父禮子耶為
子禮父耶時淨飯王見太子儀相非世乃頭面禮足
時諸臣民情俱不忍共言云何尊父禮子之足耶王
曰汝等不應作是念當初太子生時無人扶持四方
各行七步於爾時我便禮其足後於剎部樹下坐日
已過午諸樹影東唯剎部樹影不移蔭太子身我又
禮其足今當第三禮也爾時世尊就座坐父王復禮

佛足對面而坐告大眾曰此是第四禮子足也自後
日來即禮○本起經云父王頭面禮佛足者一者敬
道二者愛子故今剃髮後父母拜○摩耶經云爾時
摩耶夫人即佛母也長跪佛前五體投地說偈云稽首頭
面禮無上大法王此父母拜緣略引為證今因家有
制餘方為清淨者不得不行此謂王法不得不行也
○薩婆多論云此正違王制者犯突吉羅罪

沙彌

此始落髮後之稱謂也梵音訛也此譯為

染之情以慈濟群生故又云初入佛法多存俗情故
須息惡行慈也○大毗婆沙論云室利摩拏洛迦唐

言勤策男謂此人離四性罪六遮罪勤自策勵不犯
令清淨故○寄歸傳云室羅末尼羅唐言求寂夫稱
寂者即涅槃也言此人纔剃髮便授十
出煩惱家求趣涅槃故

戒

寄歸傳云西國出家具聖制諸有發心出家
者師乃問諸難事難事既無許之攝受或經旬
月令其解息師乃為授五戒方名鄔波索迦此是剃
入佛法之基七衆所攝也師次為辦縵條僧脚趺下
裙瀘羅鉢等方請阿遮梨為剃髮師親為著下裙次
與上衣令頌戴受著已授與鉢器授十戒此名室羅

末尼羅方成應法為五衆攝堪消施利若恐其十戒
毀破大戒不成此則妄負求寂之名既不合消常住
受施負債何疑應
三品沙彌僧祇律云佛制
依教而為濟度

應作沙彌後在迦維衛國阿難有親里一小兒孤露
阿難養育之佛問何不出家阿難白佛言佛制不許
度佛問是二小兒能驅食上烏末答能佛言聽作驅
烏沙弥最下七歲至年十三者皆名驅烏沙弥若年
十四至十九名應法沙弥
沙彌亦名
也若年二十已上皆號名字沙弥